

ଯିହୁଦୀ ଲିଖିତ ପତ୍ର **ଯିହୁଦୀ ଲେକ୍ତାଦ୍ ଚିଟି** **ଯିହୁଦୀ ବଇ ବିଷୟରେ ଅଣ୍ଟୟ ପଦ୍**

ଇଦ୍ ଚିଟି ଲେକ୍ତେନନ୍ ପେଦେର୍ ଇସାବ୍‌ରେ ଇଦ୍ ବଇରେ ପେଦେର୍ ଇଡ୍‌ତଡ୍ । ଯିହୁଦୀ ନିଜେ ଯାକୁବ ନୁ ଜିସୁନ୍ ତାମୁଣ୍ ଇଞ୍ଜ ପରିଚୟ ଇଦ୍‌ତଣ୍ । ଆଦିଙ୍କ ଅଙ୍କ ଜିସୁନ୍ ତାମୁଣ୍ ଲୋପେଙ୍କ ଝେରଣ୍ ଇଞ୍ଜ ବିଶ୍ୱାସ୍ ମାଡିତାଡ୍ ୧ । ପୁରାତନ୍ ନିୟମ୍‌ରେ ପ୍ରସଙ୍ଗତିଙ୍କ ଲେକିମାନ୍‌ମାନ୍ ମାୟଦିଙ୍କ ଇଦ୍ ଅଣ୍ଟୟ ସ୍ୱତନ୍ତ୍ର ମଣ୍ଡଲିତିଙ୍କ ଲେକାଆସ୍ ମାନ୍‌ମାନ୍ ରକମ୍ ମନେ ଆଦ୍‌ରେ । ଯିହୁଦୀ ଚିଟିଡ୍ ନିଜାମ୍ କାର୍ତ୍ତାନଡ୍, ଯିହୁଦୀ ରକମ୍ ପରିଚିଡ୍ ଆଦ୍‌ତଡ୍-ବେନଡ୍, କି ବାବାଲ୍ ଇଶ୍ୱରରେ ପ୍ରେମାତଡ୍, କ୍ରିଷ୍ଟନ୍ ସେଙ୍ଗେ ନେଃଏତଡ୍ । ଆଦ୍ ବାଡ୍‌ଆୟି ଯିହୁଦୀ ସାରେ ଆହ୍ୱାନ୍ ପାଏମଆଡ୍‌ରେ ନାରୁଡ୍‌କିଙ୍କ ପାତା ଇଦ୍‌ତଣ୍ । ଇଦ୍ ଚିଟି ପାକାପାକି ଜିସୁ କ୍ରିଷ୍ଟନ୍ ଜନମ୍ ପେକେ କ୍ରିଷ୍ଟାୟ ୬୦ ଝେଲେ ଲେକା ଆସ୍‌ମାଡ୍‌ରେ ୧ ।

ଇଦ୍ ଚିଟି ବେନଡ୍, ବୁସା କ୍ରିଷ୍ଟଡାକ୍ ଆଞ୍ଜ ମାଡ୍‌ତଡ୍, ଅଡ୍, ସାରେ କ୍ରିଷ୍ଟିୟାନ୍ ନାରୁଡ୍‌କ୍ ସତର୍କ୍ ମାଡାନ୍ ଉଦ୍‌ଦେଶ୍ୟରେ ଲେକା ଆସ୍‌ମାଡ୍‌ରେ । ଯିହୁଦୀ ୧:୪ ଅଣ୍ଟ ତାନ୍ ଗର୍ତ୍ତାର୍ ଗାଡ୍‌ସ୍ ମାନ୍‌ମାନ୍ ମାୟଦିଙ୍କ ପାଃରେ ନିୟମ୍‌ରେ ପ୍ରସଙ୍ଗ ମେଣ୍ଡେ ଗଟନା ବିଷୟ କେତିତଣ୍ । ଇଦ୍ ଚିଟିତାର୍ ମିର୍ ମେସ୍ତେରିଡ୍, ବିରୁଦ୍‌ରେ ପିତରରେ ଦ୍ୱିତୀୟ ଚିଟିତାର୍ ଲେକା ଆସ୍‌ମାନ୍‌ମାନ୍ ଚିନ୍ତାଦାରା ତଡ୍, କାୟଲୁଡ୍ । ଇଗେ ଦୂତ ନୁ ସଦମ୍ ଗମରା ବିଷୟରେ ଗାଲା ଲେକା ଆସ୍‌ମିନ୍‌ଦେ ଯିହୁଦୀ ୪, ମେଣ୍ଡେ ୨ ପିତର ୨:୧ ।

ବଇଡ୍ ଲୋପେ ମାନ୍‌ମାନ୍ ମୁକ୍ୟ ବିଷୟ

୧. ଯିହୁଦୀ ମୁନେନ୍ ତାନ୍ କାର୍ତ୍ତାନଡ୍‌କିଙ୍କ ପରିଚୟ ଇଞ୍ଜିଣ୍ । ୧:୧-

୨

୨. ମିର୍ ମେସ୍ତେରିଡ୍, ବିରୁଦ୍‌ରେ ସତର୍କ୍ ମାଡିତଣ୍ । ୧:୩-୪

୩. ଅଣ୍ଟ ପାଃତେ ନିୟମ୍‌ତେ ନାରୁଡ଼କିଙ୍କ୍ ମେଣ୍ଡେ ଗଟନାତିଙ୍କ୍ ଆସ୍
ଉଦାରନ୍ ଇଦତଣ୍ । ୧:୫-୧୭
୪. ଯାକୁବନ୍ ସତର୍କ୍ ସୁଚନାତାଗ୍ ଅଡ଼ାଦ୍ ଦାୟିତ୍ ବାତେ ଆଦତେ
ଆଦ୍ ବିଷୟତେ କେତିତଣ୍ । ୧:୧୭-୨୩
୫. ମାଡେଙ୍ଗ୍ ଇଶ୍ବରତିଙ୍କ୍ ଗୌରବ୍ ଇସ୍ ଚିଟି ତେରସ୍ତିତଣ୍ । ୧:୨୪-
୨୫

୧ ☆ ନାନ୍ ଯିହୁଦା, ଜିସୁ କ୍ରିଷ୍ଟଟନ୍ ଦାସ ନୁ ଜାକୁବନ୍ ଦାଦାଲ୍,
ବେନଡ଼କିଙ୍କ୍ ବାବାଲ୍ ଇଶ୍ବର କାରଙ୍ଗତଣ୍ ନୁ ଅନ୍ ପ୍ରେମତଡ଼୍,
ବାଦକୁତଡ଼୍ ମେଣ୍ଡେ ଜିସୁ କ୍ରିଷ୍ଟଟନ୍ ସେଙ୍ଗେ ସାୟେ ମିନ୍ଦେ, ଅଡ଼୍
ବକେଡ଼୍ ଚିଟି ଲେକୁତାନ୍ ।

୨ ମିକିଙ୍କ୍ ନାରଗେ ଇଶ୍ବରତେ ଦୟା, ଶାନ୍ତି ନୁ ପ୍ରେମ ଦରକି ।

ବୁସାମାଡ଼ାନ୍ ମେସ୍ତେରି

୩ ଆ ପ୍ରିୟ ସାଙ୍ଗଡ଼ି, ନାନ୍ ମାନାଦ୍ ପରିତ୍ରାଣ ବିଷୟ ମିଇ ବକେଡ଼୍
ସୁଦୁର୍ ଲେକାନଙ୍କ୍ ମାନ୍ ମାଡ଼ିମାଡ଼ତାନ୍ । ଇଡ଼କେ ତିନ୍ ଲୋପେ
ଇଶ୍ବର ତାମ୍ ନାରୁଡ଼କିଙ୍କ୍ ସାରେ ଦିନେଡ଼୍ ମାୟଦିଙ୍କ୍ ଇସ୍ ମାୟାନ୍
ବିଶ୍ବାସତଡ଼୍ ଯୁଦ୍ ମାଡ଼ାନ୍ ସେଙ୍ଗେ ମିକିଙ୍କ୍ ସାଦେ ମାଡ଼ାନ୍ ଦରକାର୍
ଇଞ୍ଜି ମାନ୍ ମାଡ଼ତାନ୍ ।

୪ ବେସ୍‌କଡୁଡ଼୍ କାରାପ୍ ନାରୁଡ଼୍ ମିଞ୍ଜି ମେଣ୍ଡେ ମିଇ ଲୋପେ ନେଙ୍ଗି
ମିନ୍ଦେଡ଼୍ । ଅଡ଼୍ ତାମ୍ କାରାପ୍ ପାଡ଼ିୟିଦିଙ୍କ୍ ସମର୍ତନ୍ ମାଡ଼ାନ୍ ସେଙ୍ଗେ
ଇଶ୍ବରତେ “ଅନୁଗ୍ରହ,” ବିଷୟତେ ଗଟତିଙ୍କ୍ କାରାପ୍ ବ୍ୟବହାର୍
ମାଡ଼ତୁଡ଼୍ । ମାଝଣ୍ ଝେରଣ୍ଡେ ଗୁରୁ ନୁ ପ୍ରବୁ ଜିସୁ କ୍ରିଷ୍ଟଙ୍କ୍ ଅଡ଼୍
ଅସ୍ବାକାର୍ ମାଡ଼ତୁଡ଼୍ । ଅଡ଼୍ ସେଙ୍ଗେ ତିଆର୍ ଆସ୍ ମାୟାନ୍ ଦଣ୍ଡ ବିଦାନ୍
ବିଷୟତେ ମୁନେଡ଼୍ କନ୍‌ସ୍ ଦର୍ମଶାସ୍ତ୍ରତାଗ୍ ଲେକ୍‌ତାଦ୍ ମିନ୍ଦେ ।

୫ ଅଣ୍ଡୟଦାମ୍ ଇସ୍ରାଏଲିୟ ନାରୁଡ଼କିଙ୍କ୍ ଇଶ୍ବର ବେଲା ମିସର୍
ଦେଶ୍‌ତାଗାଙ୍କ୍ ରକ୍ଷା ମାଡ଼ି ତାସ୍‌ମାଡ଼ତଣ୍, ମେଣ୍ଡେ ଅଡ଼୍ ଲୋପେ
ମାୟାନ୍ ଅବିଶ୍ବାସି ନାରୁଡ଼କିଙ୍କ୍ ଉସ୍ ନେଲ୍‌ତାଗ୍ ଦଂସ ମାଡ଼ିମାଡ଼ତଣ୍,
ମିଡ଼ ଇଞ୍ଜି ସାରେ ଗଟି ପୁଞ୍ଜି ମାଡ଼କେ ମିକା; ଆଦ୍ ନାନ୍ ମିକିଙ୍କ୍ ଏକା
ମାଡ଼ିଦାନଙ୍କ୍ ଆଲ୍‌ସୁତାନ୍ ।

☆ ୧:୧ ମାଡିଉ ୧3:୫୫; ମାର୍କ ୭:3.

୭ ମେଣ୍ଟେ ବେନ୍ ଦୂତତ୍ ନିଜେତ୍ ପଦତାର୍ ମାନୁଷେକଟ୍ ତାମାଦ୍ ପଡ଼ୟେ ଝିଡ଼ସ୍ତତ୍, ଅଡ଼କିଂଙ୍କୁ ଇଶ୍ବର ବେଡ଼ୟାଦ୍ ବିଚାର୍ ଦିନ୍ ଏଞ୍ଜୁନା ସାରେଦିନାଡ଼ ମାୟଦିଂକ୍ ବୟି ମାଡ଼ି ଇକାଡ଼, ମାୟାନ୍ ପଡ଼ୟେତାର୍ ନେଃଏତଶ୍ । ଇଞ୍ଜୁ ସାରେ ମନେମାଡ଼ାଟ୍ ।

୮ ସଦୋମ୍ ନୁ ଗମୋରା ମେଣ୍ଟେ ତାନ୍ ବକେଡ଼ ମାୟାନ୍ ନଗରିକିନ୍ ଦସା ଏକା ମାଡ଼ାଟ୍ । ଅଡ଼, ଆଞ୍ଜୁ ଦୂତକିନ୍ ରକମ୍ ବ୍ୟବହାର୍ ମାଡ଼ି ଇନ୍ଦ୍ରିୟ ଲାଲସା ନୁ କାରାପ୍ ପାଡ଼ୟିତାର୍ ମୁଡ଼ହୁ ଆଦତଡ଼ । ମେଣ୍ଟେବାଗାତଡ଼କିଂକ୍ ସତର୍କ୍ ମାଡ଼ାନ୍ ସେଙ୍ଗେ ଅଡ଼, ସାରେଦିନେ ନିଡ଼ତାନାଦ୍ କିସ୍ତାର୍ ଦଶ୍ ପାଏମ୍ ଆଦୁତଡ଼ ।

୯ ଆଦେ ରକମ୍ ଇଡ଼, ନାରୁଡ଼, ସପ୍ ଉଡ଼ତମ୍ ଇଞ୍ଜ ନିଜେତ୍ ମେନ୍ଦୁଲ୍ ବିରୁଦ୍ତେ ପାପ୍ ମାଡ଼ିତଡ଼ । ଅଡ଼, ଇଶ୍ବରତେ ଆଦେଶ୍ତିଙ୍କ ପାଲନ୍ ମାଡ଼ଡ଼, ନୁ ସ୍ବର୍ଗ ଦୂତକିଂଙ୍କୁ ଅପ୍ମାନ୍ ମାଡ଼ିତଡ଼ ।

୧୦ ✧କିଡ଼ୁ ମୁକ୍ୟ ସ୍ବର୍ଗଦୂତ ମିକାଏଲ୍ ମିକା ଇଦ୍ ରକମ୍ ବ୍ୟବହାର୍ ମାଡ଼ଡ଼େ ମାଡ଼ତଶ୍ । ମୋଶାନ୍ ସମାଦି ଆ ଶୟତାନ୍ ତଡ଼, ଯୁକ୍ତିତର୍କ୍ ମାଡ଼ାନ୍ ଝେଲେ ମିକାଏଲ୍ ଅପ୍ମାନ୍ ଗଟ୍ କେସ୍ ସୟତାନ୍ତିଙ୍କ ବିଚାର୍ ମାଡ଼ଡ଼େ ମାଡ଼ତଶ୍ । ଅଶ୍ ଆସାମ୍ କେସ୍ ମାଡ଼ତଶ୍, “ପ୍ରବୁ ନିକିଂଙ୍କୁ ପାସକିଶ୍ ।”

୧୧ ଇଡ଼କେ ଇଡ଼, ନାରୁଡ଼, ବାଡ଼ ବୁଜେମ୍ ଆୟଡ଼, ପରିଆସ୍ ମାଡ଼ି ଆଦିଙ୍କୁ ବିରୁଦ୍ ମାଡ଼ିତଡ଼ । ମେଣ୍ଟେ ଗୁପେତାର୍ ମାୟାନ୍ ଜିଞ୍ଜାକିନ୍ ତଡ଼, ବାଡ଼ ପୁନ୍ତଡ଼, ଆଞ୍ଜୁ ସାରେକିନ୍ ତଡ଼, ଅଡ଼, ଦଂସ ଆଦତଡ଼ ।

୧୨ ଇଦ୍ ଅଡ଼, ସେଙ୍ଗେ ବେସର୍ ଝେରେ । ଅଡ଼, କୟିନନ୍ କାରାପ୍ ଆର୍ଦ୍ଦତାର୍ ଆଞ୍ଜୁ ମିନ୍ଦେଡ଼ । ବାଲାମ୍ ଇଡ଼କେ ଲୋବିଆସ୍ ବେନ୍ ବୁଲ୍ ମାଡ଼ତଶ୍, ଅଡ଼, ଆଦ୍ ବୁସାତାର୍ ରାୟଡ଼ । କୋରଥ ଲେକାମ୍ ଗଲ୍ଲକ୍ ମାଡ଼ି ଅଡ଼, ଦଂସ ଆଦତଡ଼ ।

୧୩ ଅଡ଼ ସିଗ୍ ଆୟୟକଟ୍ କାଲ୍ ଉଞ୍ଜ, ମିଞ୍ଜାଦ୍ ସାୟେଡ଼ ବଜିତାର୍ ଗଲ୍ଲକ୍ ମାଡ଼ାନ୍ ନାରୁଡ଼, ଲେକାମ୍ ଆଦୁତଡ଼ । ଅଡ଼, ତାମ୍ ସେଙ୍ଗେକେ ତଙ୍ଗେ ନିଃଇତିତଡ଼ । ଅଡ଼, ଗାଲ୍ତଡ଼, ତାଲେମ୍ ଆଦାନ୍ ଝାର୍ଯାମ୍ ଇଲ୍ଲେ ମାବ୍ ଲେକାମ୍ । ଅଡ଼, ଶିରଡ଼ କାଲାମ୍ତେ କାୟା ଆଦଞ୍ଜେ ମାଡ଼େ ନୁ ମାଡ଼େତଡ଼, ତାଃଆକି ଆଡ଼ତେ ଝାସ୍ତେ ମାଡ଼େ ଲେକାମ୍ ।

୧୩ ଅଡ଼ ଗଦାଡ଼ତାଗ୍ ତେଏଦ୍‌ତେ ତଲ୍‌କଡ଼ ଲେକାମ୍ । ଅଡ଼ାଦ୍
ସିଗ୍ ଇଲ୍‌ଖାଦ୍ ପାଡ଼୍‌ୟି ବୟ୍‌ଲ୍ ଲେକାମ୍ ପରର ତଅନ୍‌ଦିଡ଼ । ଅଡ଼
ମାୟିଆଡ଼ତେ ଉକାମ୍ ଲେକାମ୍ । ଇଶ୍‌ବର ଅଡ଼ ସେଙ୍ଗେ ସାରେଦିନାମ୍
ଇକାଡ଼ ମାୟାନ୍ ପଡ଼୍‌ୟେ ଏଞ୍ଜିମିନ୍‌ଦେଣ୍ ।

୧୪ ଆଦମ୍‌ତେ ସାଡ଼ ପିଡ଼ିତେ ବଂଶତଣ୍ ହନୋକ ନାରଗେ ଦିନା
ମୁନେଙ୍କ ଇଡ଼ ବିଷୟତେ ବବିଷୟତ୍ ଗର୍ କେସ୍‌ମାଡ଼ତଣ୍, “ପ୍ରବୁ ନାଗେ
ହଜାର୍ ସ୍ୱର୍ଗଦୂତକିନ୍ ତଡ଼୍

୧୫ ସାରରେ ତଡ଼୍‌ଖାଦ୍ ବିଚାର ମାଡ଼ାନଙ୍କ୍ ଖାଦ୍‌ତଣ୍ । ଅଡ଼ାଦ୍
ସାରରେ ପାପ୍ ପାଡ଼୍‌ୟି ସେଙ୍ଗେ ନୁ କାରାପ୍ ନାରୁଡ଼ ଇଶ୍‌ବର ନିନ୍
ମାଡ଼ାନ୍ ସେଙ୍ଗେ ଅଡ଼ ଜିହ୍ୱଣ୍ଡିଙ୍କ୍ ଦଣ୍ ଇଦ୍‌ତଣ୍ ।”

୧୬ ଇ ନାରୁଡ଼ ସାରେଦାମ୍ ସନ୍ତୁଷ୍ଟ ଆୟ୍‌ୟଡ଼ ନୁ ମେଣ୍ଡେବାଗାତଡ଼୍
ନାରୁଡ଼କ୍ ଦସି ମାଡ଼ିତଡ଼୍ । ଅଡ଼ ନିଜେଡ଼ କାରାପ୍ ଅବ୍ୟାସ୍ ତଡ଼୍
ଚାଲେମ୍ ଆଦ୍‌ତଡ଼୍; ନିଜେ ବେଡ଼୍‌ୟା ଗଟି କେଡିତଡ଼୍ ନୁ ନିଜେଡ଼
ମାୟ୍‌ଦିଙ୍କ୍ ମେଣ୍ଡେ ଅରଡ଼ୁଡ଼କ୍ ମିଡ଼ କେଡିତଡ଼୍ ।

ସତର୍କ ଗଟି ନୁ ପରାମର୍ଶ

୧୭ ହୋ ପ୍ରିୟ ସାଙ୍ଗନଡ଼ି, ପ୍ରବୁ ଜିସୁ କ୍ରିଷ୍ଟନ୍ ପ୍ରେରିତ ଶିଷ୍ୟଡ଼୍
ମିକିଙ୍କ୍ ବାଡ଼ କେସ୍ ଆଡ଼ତଡ଼୍, ଆଦ୍ ସାରେ ଏକା ମାଡ଼ାବ୍ ।

୧୮ ☆ଅଡ଼ ମିକିଙ୍କ୍ କେସ୍‌ମାଡ଼ତଡ଼୍, “ତେରାନ୍ ଦିନାତେ କାରାପ୍
ଅବ୍ୟାସ୍ ଇଶ୍‌ବର ବିରୁଦ୍ ନାରୁଡ଼ ପେୟିସ୍ ମିକିଙ୍କ୍ ପରିଆସ୍ ମାଡ଼ିତଡ଼୍
।”

୧୯ ଇ ନାରୁଡ଼ ଇ ଦଲ୍‌ତିଙ୍କ୍ ଝେଏକ୍ ମାଡ଼ିତଡ଼୍ । ଅଡ଼ ଆସାମ୍
ମେନ୍‌ଲୁକ୍‌ତଡ଼୍ ଚାଲେମ୍ ଆଦ୍‌ତଡ଼୍ । ଅଡ଼ାଗ୍ ଇଶ୍‌ବରତେ ଆସାମ୍
ଇଲ୍‌ଲେ ।

୨୦ ଆଦିଙ୍କ୍ ପ୍ରିୟ ସାଙ୍ଗଡ଼ି, ମିଡ଼୍‌ପବିତ୍ର ଦର୍ମଶାସ୍ତ୍ରତେ ନିତିତଡ଼୍‌ନିଜର୍
ଜିହ୍ୱଣ୍ଡି ଆର୍ ମାଡ଼ାନଙ୍କ୍ ଲାଗେମ୍ ଆସ୍ ମାନୁର୍; ପବିତ୍ର ଆମ୍‌ନ୍
ଶକ୍ତିତଡ଼୍ ପ୍ରାର୍ଥନା ମାଡ଼ମାନୁର୍ ।

୨୧ ପ୍ରବୁ ଜିସୁ କ୍ରିଷ୍ଟନ୍ ଅନୁଗ୍ରମାମେ ଆୟ୍‌ମ୍ ସାରେଦିନେଡ଼ ଜିହ୍ୱଣ୍ଡି
ପାଏମ୍ ଆଦାନ୍ ସେଙ୍ଗେ କେପି ଇଶ୍‌ବରତେ ପ୍ରେମତାଗ୍ କଟ୍ ଆସ୍
ମାନୁର୍ ।

୨୨ ହେକେ ମାଡ଼ମାନ୍ନ ନାରୁଡ଼ିଂଙ୍କ ବିଶ୍ୱାସ ମାଡ଼ନଙ୍କ କେଲମୁର୍
 ।
 ୨୩ ମାୟାତାର ରାଲି ତଲାନ ନାରୁଡ଼ିଂଙ୍କ କିସତାଗାଙ୍କ ରକ୍ଷା
 ମାଡ଼ର୍ । ମେଣ୍ଡେ ବେସ୍ତୁଡ଼ାଦ ପାପାମ୍ କାରକେ ପୟ୍ତେ ସିଲେତିଙ୍କ
 ମିକା ପାସକାର୍, ଇଡ଼କେ ଖେରେଡ଼ଡ଼ ଅଡ଼ିଂଙ୍କ ଦୟା ତଅମୁର୍ ।

ଦନ୍ୟବାଦ ପ୍ରାର୍ଥନା

୨୪ ବେନ ମିକିଂଙ୍କ ତଲାନାଗାଙ୍କ ରକ୍ଷା ମାଡ଼ନଙ୍କ ନୁ ତାନ
 ଗୌରବମୟ ନିଡ଼କେତାର ନିର୍ଦୋଷ ନୁ ଖେଡ଼କ୍ ମାଡ଼ି ନିଲ୍ସ୍ତାନଙ୍କ
 ପାରଦତଣ୍ଡ,

୨୫ ମାଞ୍ଜଣ୍ଡ ଅଣ୍ଡେ ଖେରଣ୍ଡେ ଡ୍ରାଣକର୍ତ୍ତାଲ୍ ଇଶ୍ୱରତେ ଗୌରବ,
 ପରାକ୍ରମ୍ ନୁ ଶାସନ; ମାନ ପ୍ରବୁ ଜିଷୁ କ୍ରିଷ୍ଟନ୍ ତଡ଼ ମୁନେଡ଼ କନ୍ୟ
 ନେଣ୍ଡ ଯାକ ନୁ ଯୁଗ୍ମୁଗ୍ ବିରାଜମାନ ଆୟି । ଆମେନ୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae